

Хутбе 6

Субханаллаһу Та'аля Къур'ан-и Керимде буюрды:

Манасы: «Ант олсун ки, Биз Мелеклерге Адемге седжде этмелерини эмир эттик. Иблистен гъайры Мелеклернинъ эписи седжде этти. Иблис кибирик этти ве къафирлерден олды».

Аллаһу Та'аля Мелеклерге ибадет анъламында дегиль, сайгъы анъламында Адемге седжде этмелерини эмир этти, чюнки пейгамберлер Мелеклерден даа устундир. Анджакъ джинлерден олгъан Иблис къаршы чыкъып, седжде этмеди. Иблис мелеклерден дегиль эди, чюнки Мелеклер Аллаһкъа къаршы чыкъмазлар. Иблис исе Аллаһкъа итираз этип, къаршы чыкъкъаны ичюн къафирлерден олды. Шубесиз, Аллаһкъа итираз эткен кимсе къафир олур.

Аллаһу Та'аля Къур'ан-и Керимде буюрды:

Манасы: «Аллаһ япкъанындан соралмаз, инсанлар япкъанларындан сораладжакълар».

Мухтерем мусульманлар!

Аллаһу Та'аля эмир бериджи ве ясакъландырыджыдыр, О'нъа эмир берген ве бир шейни ясакъландыргъан кимсе ёкътыр. Аллаһнынъ эмирлерине боюн эгмейип итираз эткен, озюни зекий ве акъыллы сайгъанлар санки асылларыны къайдан олгъаныны бильмейлер. Али Эфендимиз (радыаллаһу анһу) буюрды: «Адем огълу не ичюн кибириленир. Онынъ эвели – анасынынъ ве бабасынынъ союздан кельмедир. Сонъу исе лештир». Бу сёзлернинъ манасы шойледир: «Инсан огълу кибирилемек керек Аллаһ оны бир тюкюрюк къадар сувдан яраткъан, сонъра оны топракъкъа чевирир».

Эй, джемаат! Башынъызгъа беля кельди, деп, сакъын Аллаһкъа къаршы чыкъманъыз, эляк олурсынъыз, чюнки Аллаһкъа къаршы чыкъкъанлар къафир олур. Сахабилерден бириси Пейгамбер Эфендимизге: «Сени севем», – деп, айтыр. Пейгамбер Эфендимиз онъа: «Дикъкъат эт», – дер. О адам кене Пейгамберимизге: «Сени севем», – деп текрарлар. Пейгамбер Эфендимиз онъа: « Айткъанына дикъкъат эт», – дер. О адам учюнджи кере айны шейни айтар. Пейгамбер Эфендимиз джевап берер: «Айткъанына дикъкъат эт! Мени севгенлернинъ башына белялар, дагъ тёпесинден ерге тюшкен сувдан да тез энер».

Мухтерем мусульманлар! Мусульманнынъ башына мусибет кельгенде, о, Аллаһ ризасы ичюн сабыр этсе, гунаһы олса, гунаһы силинир, гунаһы олмаса, дереджеси юкселир. Онынъ ичюн Аллаһу Та'аля севген къуллаарына мусибетлер эндирир.

Мухтерем мусульманлар! Эвлия къадын Фатима Эйзубейрия акъкъында икяени динъленъиз. Бу къадын Пейгамбер Эфендимизнинъ къабир зияретине барар, сонъ исе Меккеде яшамагъа ниет этер ве Меккеде яшар. Мекке шеэринде такъва, яни Аллаһ къоркъусы ве ильми иле белли олур. Бир вакъытлары сокъур олып, йыллер девамында сокъур яшар. Бир кунъ, гедже намазы ичюн абдест аладжакъта мердивенден йыкъылып, эки къабургъасыны сындырды. Амма къадын аджыгъа даянып, абдест алды ве намазыны къылды. Намазыны къылгъанда юкълап къалды ве тюшюнде Пейгамбер Эфендимизнен Абубекир ве Умарны Кябеден онъа догъру кельгенини корер. Пейгамбер Эфендимиз бир безнинъ устюнен тюкюрюгини къойып онъа айтты: «Шуны къабургъаларына сюрт». Къадын Пейгамберимизнинъ айткъаныны япып, безни къабургъаларына ве козьлерине сюртти. Бундан сонъ къабургъалары ве козьлери шифалангъаныны тюшюнде коръди. Саба хызметчиси келип, къадыннынъ козьлери шифалангъаныны корип шашты ве бу насыл олгъаныны ондан сорады, Эвлия къадын да эр шейни анълатты.

Мухтерем мусульманлар! Шу Эвлия къадын Аллаһкъа итираз эмейип, аджыгъа даянып, намазыны къылды, онынъ ичюн юксек дереджени къазанды.